



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01-45-1-2459/23

Datum: 30.11.2023. godine

Na osnovu člana 14. Statuta Općine Tešanj («Službeni glasnik Općine Tešanj» broj 11/07) i člana 40. Poslovnika o radu Općinskog vijeća Tešanj («Službeni glasnik Općine Tešanj» broj 3/18), Općinsko vijeće Tešanj na svojoj 30. sjednici održanoj dana 29.11.2023. godine donijelo je

**PROGRAM RADA OPĆINSKOG VIJEĆA TEŠANJ
ZA 2024. GODINU**

I – UVOD

Program rada Općinskog vijeća Tešanj za 2024. godinu proizlazi iz prava, dužnosti i nadležnosti Vijeća, utvrđenim Ustavom, Zakonom i Statutom Općine, kao i aktivnosti koje proizlaze iz Programa rada, koji čini pitanja iz djelokruga Vijeća koja će se razmatrati na sjednicama Vijeća.

Program rada Vijeća svojim osnovnim sadržajem usmjeren je na određene teme koje se planiraju razmatrati na sjednicama Vijeća, kako u vidu normativno-pravnog regulisanja pitanja iz samoupravnog djelokruga Općine, tako i tematsko-izvještajnog djelokruga aktivnosti Vijeća.

Općinsko vijeće će, takođe, na osnovu prijedloga ovlaštenih predlagača, razmatrati i pitanja koja proističu iz podijeljene nadležnosti između Općine i viših nivoa vlasti.

U okviru ovog Programa obuhvaćene su i druge teme vezane za rad vijeća: Program rada radnih tijela, Plan javnih rasprava i Plan za profesionalno usavršavanje vijećnika.

II – TEME KOJE SE PLANIRAJU RAZMATRATI NA SJEDNICAMA VIJEĆA

A) Period januar – mart:

1. Prijedlog Odluke o usvajanju Programa novčanih podsticaja za unapređenje poljoprivredne proizvodnje na području općine Tešanj u 2024. godini,
2. Prijedlog Odluke o usvajanju Plana kapitalnih investicija za budžetsku 2024. godinu (sa planom kandidovanih investicija za 2025 i 2026) 1+2,
3. Prijedlog Odluke o usvajanju godišnjeg plana rada organa uprave za 2024. godinu
4. Prijedlog Odluke o pokretanju izmjene regulacionog plana "Jugozapad" Tešanj – Januar/Mart 2024
5. Nacrt Prostornog plana Općine Tešanj 2020-2040,
6. Nacrt Urbanističkog projekta mikrolokacije "Centar" Jelah,
7. Nacrt Kodeksa ponašanja vijećnika u Općinskom vijeću Tešanj,
8. Prijedlog Rješenja o imenovanju Općinskog pravobranioca,
9. Prijedlog Rješenja o imenovanju Komisije za provođenje javnog nadmetanja-licitacije
10. Izvještaj o radu Općinskog pravobranilaštva za 2023. godinu,
11. Izvještaj o radu Općinskog vijeća za 2023. godinu,
12. Izvještaj o realizaciji kapitalnih investicija za 2023. godinu,
13. Izvještaj Općinskog načelnika za period od 01.01. do 31.12.2023. godine,
14. Informacija o stanju u poljoprivredi i realizaciji Programa novčanih podsticaja u 2023. godini,
15. Informacija o stanju bezbjednosti na području općine Tešanj i bezbjednosti učesnika u saobraćaju na području općine Tešanj za 2023. godinu,
16. Informacija o realizaciji Strategije razvoja općine Tešanj u 2023. godini,

B) Period april – juni:

17. Izvještaj o izvršenju Budžeta za 2023. godinu,
18. Izvještaj o izvršenju Budžeta za I kvartal 2024. godine,
19. Nacrt Regulacionog plana "Jugozapad" Tešanj
20. Prijedlog Urbanističkog projekta mikrolokacije "Centar" Jelah,
21. Prijedlog Kodeksa ponašanja vijećnika u Općinskom vijeću Tešanj,
22. Informacija o radu i poslovanju javnih preduzeća kojima je osnivač općina Tešanj za 2023. godinu (Izvještaj o poslovanju JP Toplana, Izvještaj o poslovanju JP RAD, Izvještaj o poslovanju Razvojne agencije općine Tešanj TRA)
23. Informacija o radu i poslovanju javnih ustanova čiji je osnivač Općina Tešanj za 2023. godinu, (JU Opća Biblioteka, JU Centar za socijalni rad, JZU Apoteka "Tefarm", JZU Opća bolnica Tešanj, JU Centar za kulturu i obrazovanje, JZU Dom zdravlja "Izudin Mulabecirović Izo" Tešanj, JU Sportsko-rekreacioni centar Tešanj i JU Muzej Tešanj),
24. Prijedlog Rješenja o imenovanju Drugostepene komisije za rješavanje po žalbama protiv rješenja Općine Tešanj,
25. Informacija o izvršenom deminiranju, trajnom obilježavanju i uklanjanju NUS-a u 2023. godini na području općine Tešanj,
26. Informacija o radu udruženja građana u općini Tešanj za 2023. godinu,
27. Informacija o radu mjesnih zajednica za 2023. godinu,

C) period juli – septembar:

28. Izvještaj o izvršenju Budžeta za I polugodište 2024. godine,
29. Izvještaj o radu Općinskog vijeća za period 01.01. – 30.06.2024. godine,
30. Prijedlog Prostornog plana Općine Tešanj 2020-2040,
31. Riješlog Regulacionog plana "Jugozapad" Tešanj,
32. Informacija o organizovanju i funkcioniranju sistema zaštite i spašavanja i zaštite od požara za 2023. godinu,
33. Informacija o ostvarivanju prava pripadnika boračkih populacija putem Službe za boračko-invalidsku zaštitu,
34. Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama,
35. Informacija o radu Općinskog suda Tešanj za 2023. godinu,
36. Informacija o održavanju putne infrastrukture na prostoru općine Tešanj,
37. Informacija o radu Zavoda za zapošljavanje - Biro Tešanj za 2023. godinu,

D) period oktobar - decembar:

38. Izvještaj o izvršenju Budžeta za period januar-septembar 2024. godine,
39. Nacrt Budžeta Općine Tešanj za 2025. godinu,
40. Prijedlog Budžeta Općine Tešanj za 2025. godinu,
41. Prijedlog Odluke o izvršavanju Budžeta za 2025. godinu,
42. Prijedlog Odluke o vrijednosti boda komunalne naknade za 2025. godinu,
43. Prijedlog Odluke o finansijskoj podršci školovanju u akademskoj 2024/2025. godinu,
44. Prijedlog Programa rada Općinskog vijeća za 2025. godinu,
45. Izbor i imenovanje predsjedavajućeg i zamjenika predsjedavajućeg vijeća,
46. Prijedlog Odluke o raspisivanju javnog poziva za izbor i imenovanje radnih tijela Vijeća,
47. Izvještaj Općinske izborne komisije Tešanj o provedenim lokalnim izborima,
48. Prijedlog Rješenja o imenovanju Komisije za izbor i imenovanje,
49. Informacija o završetku školske 2023/2024. godine i upisu učenika u školsku 2023/2024. godinu u osnovnim i srednjim školama na području općine Tešanj,
50. Informacija o zakupu općinskih nekretnina i prometu zemljišta u kojem je Općina jedan od učesnika prometa.

- Prijedlozi Odluka o gubitku statusa javnog dobra i prijedlozi Odluka o prodaji/zamjeni/davanju u zakup nekretnina, biće predlagani u toku godine kada bude potrebno.

Zadaci utvrđeni Programom rada Općinskog vijeća su samo okvirni i određeni u minimumu. Ovlašteni predlagači se ovim Programom ne ograničavaju, nego od njih Vijeće očekuje nove inicijative i prijedloge tokom 2024. godine, koji će se, po podnošenju na Vijeće, po proceduri propisanoj Poslovnikom o radu Vijeća, uvrštavati u dnevni red sjednica i voditi rasprava o istim.

Redovne sjednice Općinskog vijeća se održavaju, u principu, jednom mjesečno, a po potrebi i češće, dok se vanredne sjednice sazivaju prema ukazanim potrebama, s tim da dnevni red za sjednice Vijeća, u principu, ne bi trebao prelaziti 10 tačaka. Predlagač i obrađivač materijala su obavezni pridržavati se rokova iz Programa prilikom izrade materijala iz svoje nadležnosti, te materijale blagovremeno dostavljati Stručnom odjelu Općine.

III – PROGRAM RADA RADNIH TIJELA VIJEĆA

Radna tijela Vijeća rade u sjednicama u skladu sa Poslovnikom Općinskog vijeća, a mogu donijeti i vlastiti Poslovnik o radu, donose zaključke, a mogu donositi rješenja i naredbe kada su za to posebno ovlašteni, mogu podnijeti amandman, prijedlog za donošenje Odluka i drugih akata kao i prijedlog za donošenje akata po hitnom postupku

Uzimajući u obzir odredbe Poslovnika o radu Vijeća koje se odnose na rad i funkcionisanje radnih tijela, Kolegij Vijeća je na svojoj sjednici održanoj dana 22.11.2023.godine, razmatrajući prijedlog za Program rada radnih tijela vijeća za 2024.godinu usvojio Zaključak da se okvirni, godišnji Program rada radnih tijela ubuduće uvrštava u Program rada Općinskog vijeća Tešanj s tim da svako radno tijelo može po procjeni napraviti posebno i program rada iz svoje oblasti.

U 2024 godini radna tijela Vijeća će svako iz svoje oblasti ispunjavati dužnosti i obaveze koje su opisane u Poslovniku o radu vijeća kako slijedi:

- (1) Statutarno – pravna komisija, član 30
- (2) Komisija za praćenje primjene kodeksa ponašanja vijećnika i javnosti rada Vijeća, član 31
- (3) Komisija za izbor i imenovanja, član 32
- (4) Komisija za pitanja mladih i ravnopravnost polova, član 33
- (5) Komisija za zaštitu čovjekove okoline, član 34
- (6) Komisija za monitoring nad realizacijom Strategije razvoja Općine Tešanj član 35
- (7) Komisija za budžet. Član 36

Pridržavaće se i ostalih odredbi Poslovnika, pripremati i razmatrati prijedloga odluka, pratiti i proučavati i druge akte iz nadležnosti Vijeća iz svojih oblasti, dostavljati mišljenja, prijedloge, polugodišnje i godišnje izvještaje Vijeću i javnosti o određenim pitanjima iz svog djelokruga, a odlučivaće samo o pitanjima koja su im Poslovnikom ili odlukom Vijeća data u neposrednu nadležnost.

IV – PLAN JAVNIH RASPRAVA

Na osnovu člana 14. Statuta Općine Tešanj («Službeni glasnik Općine Tešanj» broj 11/07) i člana 19., 39., 104. i 105. Poslovnika o radu Općinskog vijeća Tešanj («Službeni glasnik Općine Tešanj» broj 3/18), s ciljem da se unaprijedi rad Općinskog vijeća i poveća učešće građana u javnim raspravama, Kolegij vijeća na svojoj sjednici održanoj dana 17.04.2023.godine je usvojio Plan za organizaciju i provođenje javnih rasprava u 2023.godini.

U vezi s tim, razmatrajući Plan javnih rasprava za 2024.godinu Kolegij je na svojoj sjednici održanoj 20.11.2023. godine usvojio Zaključak da se ubuduće Plan javnih rasprava uvrštava u Program rada Općinskog vijeća Tešanj.

U skladu sa temama za sjednice Vijeća, u 2024. godini planirane su javne rasprave po kvartalima kako slijedi:

A) Period januar – mart:

- Nacrt Prostornog plana Općine Tešanj 2020-2040,
- Nacrt Urbanističkog projekta mikrolokacije "Centar" Jelah,
- Nacrt Kodeksa ponašanja vijećnika u Općinskom vijeću Tešanj,

B) Period april – juni:

- Nacrt Regulacionog plana "Jugozapad" Tešanj

C) period oktobar - decembar:

- Nacrt Budžeta Općine Tešanj za 2025. godinu

Ovlašteni predlagači se sa ovim Planom ne ograničavaju. Vijeće od njih, po potrebi, očekuje nove prijedloge tokom 2024. godine, koji će se, po proceduri propisanoj Poslovníkom o radu Vijeća, uvrštavati u dnevni red sjednica, upućivati i provodit javne rasprave o istim.

V - PLAN PROFESIONALNOG USAVRŠAVANJA VIJEĆNIKA

Na osnovu člana 14. Statuta Općine Tešanj ("Službeni glasnik Općine Tešanj" broj 11/07) i člana 15. Poslovníka o radu Općinskog vijeća Tešanj ("Službeni glasnik Općine Tešanj", broj 3/18), Općinsko vijeće Tešanj je na svojoj 12. sjednici održanoj dana 30.12.2021. godine donijelo Odluku o edukaciji vijećnika.

Prvih šest mjeseci nakon konstituirajuće sjednice, u principu 30 minuta prije početka svake sjednice, organizira se i realizira edukacija općinskih vijećnika na teme: Poslovník o radu Općinskog vijeća, Statut Općine Tešanj, Program rada vijeća, Etički kodeks, Komuniciranje s javnošću i zakonska regulativa. Vijećnici se educiraju i u toku mandata po posebnim godišnjim planovima koje donosi Vijeće za svaku godinu u sklopu Programa rada Općinskog vijeća. Prisustvo edukacijama obavezno je za sve vijećnike.

Za profesionalno usavršavanje vijećnika u 2024. godini planirane su sljedeće teme:

1. Integritet vijećnika i sprečavanje korupcije
2. Funkcionisanje i rad Općinskog vijeća Tešanj (sjednice, elektronsko glasanje, materijali ...)
3. Elektronska komunikacija (službeni e-mail, tableti, aplikacija eCitizen – modul sjednice i modul pitajte načelnika/vijećnike, aplikacija plenarVote, uređaji za glasanje, web stranica Općine Tešanj..)

Sadržaj planiranih tema za profesionalno usavršavanje, s obzirom da je 2024. izborna godina, usmjeren je na educiranje novog saziva vijećnika s ciljem efikasnijeg rada i funkcionisanja Vijeća.

Za aktuelni Saziv planirana je jedna tema ali ovaj plan nije konačan, isti se može mijenjati, dopunjavati ukoliko vijećnici iskažu interesovanje i predlože neke druge teme ili neki drugi vid edukacije.

Dostavljeno:

1. Općinske službe
2. Radna tijela Vijeća
3. Web stranica Općine
4. Službeni glasnik Općine Tešanj
5. a/a

